

اجتهاد

نومرو : ۱۰۰

اداره خانه

ایستانبول، جفال اوغلی، دائره اجتهاد

تلهفون نومروسی : ۸۶۵
" Idjtihad " Constantinople

دوردنجی سنه

حریت فکریه یه خادم

پنجشنبه کونلری چیقار اجتماعی، ادبی مجموعه

مدیر مرخص : الرهامی صفا

۳ نیسان ۱۳۳۰

آبونه

سنه ۱۳۳۰
تورکیا ایچین : ۵۰ غروش
ممالک اجنبیه ایچین : ۱۵۰ فرانق
۸۰ فرانق

نسخه سی ۵۰ یاره

کچن قیش، برکون، کوسناو لوپونک (روح الاقوام) نی
عبدالحق حامدک (بالادن برسس) نی آلمی اوزره مطبعه اجتهاده
اوغرایان برذات آرقاداشلرمزدن برینه :

— لطفاً عبدالله جودت بکه وریکیز !

دیهه رک بر مکتوب اوزاتیر . « پک اوایاتیق بر اویقو »
سرلوحه سنی احتوا ایدن بومکتوبک امضاسی « ا . حق » ایدی .
« پک اوایاتیق بر اویقو » اجتهادک ۵۵ نومروسنه درج ایدیلدی .
اوندن سوکرا حق پک « نه دن مغلوب اولدق » عنوانیه اجتهاده
برسلسله مقالات یازدی . اجتهادک فی الحقیقه بونلردن اول چیقان
برایکی نسخه سنده ده عینی ادا ده ، عینی مآله مقاله لر ی واردی .
فقط هیچ بریسی صوفتالنه و درویشکله اعلان حرب قادار نظر
دقی جلب ایتمه مشدی .

اجتهاد، حق بکه اباطیله هجومده کی مهارت و درایتی تقدیراً
بر سیف مصرع اهدا ایدی ، حق پک ، قلیچ زاده اولدی .
۸۸ نجی نومرویه درج ایدیلن « اعلان حرب » مقاله سی
« اجتهاد » ک طرف تعظیله سنی کشاد ایدی . [۵۹] نجی
نومرو « جهد » عنوانیه چیقمشدی . و بر خا عک تستر علیهنده
بولونان مقاله سنی احتوا ایدیوردی . اوونک قولاقلری شیمدیکی
کی دکلدی ، تستر مسئله سنی ایشتیمک پک آیشامشدی . اوندن
بحث اولونورکن فضلہ غیجیقلانیوردی . بناء علیه هان « جهد » ده
تعطیل ایدیلشدی . او وقته قادار اجتهادک باشلیجه محرری
جودت ، جلال نوری ، قلیچ زاده ایدی . جلال پک او صیرالده
قانونی مقاله لری یازدیوردی : خاندان سلطنت قانونی ، اداره ملک
قانونی ، مأمورین قانونی ، قوانین عدلیه . الخ . اوندن سوکرا ساطع
و علی کامی بکلرده اجتهاد ایچون مقاله لری یازمایه باشلادیلر و « اجتهاد »
۶۸ نجی نسخه سنه قادار بلا توقف چیقدی . بو نسخه ایله عالم
اجتهاده داخل اولان سلیمان نظیف بک « دورای قاتل » عنوانلی مقاله سی
اجتهادی ینه تعطیل ایتدیردی و بو تعطیل ۲۷ کون قادار سوردی .
ینه اجتهاد اولاراق انتشار ایدن ۶۹ نجی نسخه ده پک آشکار
بر تکمیل و ترقی مشبودر . عبدالحق حامدک « والدهم » عنوانلی
منظومه سی تفرقه یه باشلانیور ، « هفته نامه » دیه برستون مخصوص
آجیلیوردی . سلیمان نظیف بک تورکیجیلری تنقیده باشلامش ،
احمد آغایف بکه مباحثه یه قویولشدی . مملکتک بو اک پارلاق
اسملری آراسنده عمود صادق بکه ده کورونمک باشلادی .
۷۲ نجی نومرودن اعتباراً عمود صادق بک مصاحبه یازمایه باشلادی .
حامد ، نظیف ، صادق ، جلال ، قلیچ زاده . کامی ایله « اجتهاد » ،
ممتاز بررنک آلمشدی ، آرده ده جناب شهاب الدینک شعری ده
بولونیوردی ، ۷۷ نجی نسخه ده قلیچ زاده ک « یونس خوجه »
حکایه سی ایله « اجتهاد » تکرار دوچار تعطیل اولدی . « اشتاد »
اسمیه انتشاره باشلادی . [۸۰] . نومرولی نسخه ده جودت بکک
ولی عهد سلطنت عزالدین افندی حضرتلری ایله ملاقاتی . که پک زیاده

هَفَّتَه نَامَه

— « اجتهاد » ک دردنجی سنه سی —

« اجتهاد » بو نسخه سیله دوردنچی سنه سنی اکمال ایدیور
و شیمدی یه قادار بزه ۱۰۰ نسخه تقدیم ایتش بولونیورکه بو
۱۰۰ نسخه نک ایچنده مستثنا بر قیمت علمییه صاحب اولانلری
نه قادار چو قدر ! . . « اجتهاد » ، فی الحقیقه دوردنچی سنه
انتشارینی اکمال ایتکده ایسه ده سنه تأسیسیه سی داها اسکیدر ،
۱۹۰۴ سنه ملادییه سی ۱ - ایلولنده جنوده تأسیس ایدیلشدیر .
اوزاده ده عبدالله جودت بکک کوچوک ما کینه سنده آیده بر
طبع اولونوردی . او وقت « اجتهاد » ک خصوصیات اداره
و تحریریه سنده ، شیمدی عثمانلی آژانسی مدیری اولان حسین
طوسون بک جودت بکک غیور بر رفیق اولشدی ، آطنه قائمقام
سابقی عبدالرحمن بدرخان بک معاونت قلمیه ده بولونیوردی .
بونکله برابر بر سنه اولنه کلنجیه قادار اجتهاد نسخه لرینک
یاریدن زیاده سنی مؤسس و صاحبک آثار قلمیه سی ، ترجمه لر ی
اشغال ایدر دی . ایلك نسخه لر نده تورکیانک احوال سیاسییه ،
عالم اسلامک اجتماعی حادثه لر ی بر موقع معتنا اشغال ایدر و اجتهادک
یاریمی او وقت فرانسزجه نشر ایدیلدیکندن بو قسمده ده
اسلامک و ملت عثمانیه نک حقوقی مداومه اولونیوردی .

اجتهاد مطبعه سی بر مدت سوکرا مصره نقل اولونمش ،
اوزون بر توقدن سوکرا اجتهادینه ، اوراده انتشاره باشلامشدی .
[۲۴] نجی نسخه سنه قادارده مصرده چیققدن سوکرا نهایت
اعلان حریتی متعاقب ینه مطبعه سیله ، کتبخانه سیله برابر
ایستانبوله . بالخاصه انشایدیلن اجتهاد داثره سنه نقل اولونمشدر .
اوچونجی سنه سنی ۱۳۲۷ ده ایستانبولده اکمال ایتدکدن سوکرا
۱۳۲۹ ده « اجتهاد » ه بر رنک مخصوص و مستثنا بخش ایدن
دوردنجی سنه نسخه لر ی نشره باشلامشدی .

« اجتهاد » ک دوردنجی سنه نسخه لر ی خصوصی بر اهمیتی
حاضر اولدینی ایچون اولنلردن براز بحث ایده جکیز .
شبهه سز ، اجتهادک او آتشلی ، هیجانی یازیلرنده کچن
سنه جتالجه دن ایشیدیلن طوب سلیرنک پک جوق تأثیری
اولشدر . آلتی گوسته ره رک قاجانلر و رجعتلر ، انزاملر
خلقه اولدیندن باشقه بر تأثیر ایله اجتهاد جیلره تأثیر ایتش ،
گورونمشدی ، بن ، بعض اجتهاد جیلرک براز مفرطانه هجوملری
بو تأثیره عطف ایدیورم .

شبهه‌سز بوتون قارئلر وهرکس تخی ایدر ، بیلورؤکه مملکتک جدی ، فائده‌لی بر ادبیاته احتیاج شدید ی وار . اجتهاد بو احتیاجی تطمیننه چالیشه جق .

سرور جمیع

- عراق -

تاریخک ایلک مدیتلرینه مهد ظهور اولان عراق قطعاً مبارک‌سی ، غالباً آتوریلری ، بابیلری ایله برلکده صحائف تاریخده دفن اولنش اوله جق که ال‌زیاده اوراسنی ، معروض اهامل ، متروک و منسی بر اقدق . شومهن دوفر مسئله‌سی اولماسه عشاآرینک عصیانندن باشقا بر سبیله بحثی بیله ایدلر . فیض طبعیتک ال بی مثال ، اک خارقه نما تجلیاته مظهر اولان وسیع اووالری ، ذهبی ایرماقلریله عراقک هر هانکی بر دور تاریخیده ینه اک مهم مدیتلری تولید ایتمک قابلیتده اولدینی بلااستنا هر کس طرفدن تسلیم ایدلدیکی حالده هر نه حکمته منی ایسه حقدده معلومات یوقدر . حسب الوظيفه سیاحت ایدنلر بر طرف ایدیلر سه معلوماً از اجنبی لسانلرندن مترجم جغرافیا کتابلریله حاصل اولمشدر دینله بیلیر . بناءً علیه نه غزته لر من بحث ایدر نه ده حکومت غائله دن وقت بوله رق اساسلی تدابیر اتخاذ ایده بیلیر .

هندیه سده سنک اکیل انشاآنی ، بغداد خط کیرینک تمدیدی فی الواقع اوجواره نفخ روح ایده جک تدابیردن ایسه ده عراقک دردلری اوقدر چوقدر که دوا یی صرف بونلره حصر ایتمک قعر بصرک الکحاد بر درجه‌سی صاییلیر . ذکای فطری اعتباریله امثالنه همان هیچ بر یرده تصادف ایدیله مه ین اهالیسنک احتیاجات مادیه و معنویه‌سی شرائط اجتماعیلرینک دولتک منافع اساسیه‌سه توفیق ، دوشونلر سه تشبثات نافعه ثمراتی بحق اقتطاف ایتمک بزلره پک‌ده نصیب اولماز .

اداره حاضره نلک الکبنام بر رکنی زمان ولایتده بیله فرضا بغداده مرکز حکومتدن برسنه ایچین یوزاللی بییک لیرا جلبنه لزوم کوروله‌سی کی موجب تأثر و شایان

شایان دقتدر - اجتهادک تکرار تعطیلنه سبب اولدی و بوتعطیل برخیل دوام ایتمدی ، اجتهاد ایکی آیدن زیاده بر مدت نشر یاتنه دوامدن ایقونیلدی . صوگرا ۸۲ نومروده جلال نوری بکک « ذات حضرت محمدک دهاسی » مقاله‌سند « مولانا » ایچون مجذوب دیمه‌سی یونی تعقیب ایدن نسخه‌لرده عبدالله جودت بکک « دل مستی » مولانا « یی یازدیردی . و بوتسلسل ایتمدی . « مولانا » یی غزالینک ترجمه‌لری تعقیب ایتمدی . بویه‌جه « اجتهاد » ، جانی و هجانی ، دوام ایدیلوردی . « اجتهاد » آرقاداشلرینک آراسنده اختلاف فکر و نظر یوقدی ، اولسه بیله بو ، کمال نزا کتله ، اداره خانه ده یا خود - عمومک فائده‌سی وارسه - غزته ده سویله نه بیلیردی . نته کیم اولیه اولیوردی .

برکونده جلال نوری بک ، « شیعه خصوصت » عنوانیه بر مقاله یازدی و کتیردی . بو مقاله ، فی الحقیقه هیچ ده خوشمه کیتمه‌دی . بونکله برابر « اجتهاد » ه گیردی . حتی عیناً گیردی ، یالکیز بر نقطه‌سی - اعتراف ایتمک کرکدر - بر « کاوره » کله‌سی قولاغیزی پارچالامشدی . قلممیزک صبری توكندی . ابرته‌سی هفته جلال نوری بکک بوتون عالم مدینته خصوصت توصیه ایدن مقاله‌سند جودت بک ، دشمنلره خصوصت آورویایه ، عالم مدینته محبت توصیه ایدرک جواب ویردی ، بوندن صوگرا - کوچوک بر رسالده ایضاح ایتمشدم - بعضی اسباب خارجیه و روحیه جلال نوری بکی - بر یومی آرقاداشک دیدیکی کی - اعترافه سوق ایتمدی . « اجتهاد » ده یوز بولامیان بر چوجوق و باشقه بر جومه ز اونا دخالت و عرض صداقت ایتدیلر [*]

مع مافیہ بن اوطندهم ، که آرتق هفته ده بر کتاب نشر ایدمه ین جلال نوری بک ، اعتراف واقعه پک زیاده کرینه نا کدر و طریق هدایت عودته - حسب المنفعه - پک خواهشکر در .

« شیعه محبت » ک انتشار ایتدیکی نسخه ده « هفته نامه » سبیله قاپاندی . « اشتیاد » عنوانیه چقان نسخه لرک و اجتهادک مصاحبه‌سی رضا توفیق بک آلمشدی . عبدالله جودت بک‌ده خیامک رباعیات ی ترجمه باشلامشدی و بو بویه‌جه دوام ایدیلور . « اجتهاد » ک کلدجک نسخه‌لری ایچون بالخاصه شایان دقت بر تصویری وار : ادبیات جدیدیه ارکاتی طویلامق . اون بش یکر می - سه اول نه‌ذی حیات ، نه روحی بر هفته ادبی واردی . مملکتک اک یوکسک ادبی سیالری بر مجموعه ک اطرافنه طویلا میشلردی . « اجتهاد » بو حیاتی ینه احیا ایتمک ایستور . بونده موفق اولماسنی

[*] موثوقاً استخبار ایتدی کمزه کوره بوچوجوق بو جومه ز ایله جلال نوری بک ارده سند ایکی سنه لک بر قونطوراتو واردر . یوقونطوراتونک برنجی ماده‌سی موجبنه جلال بکک « جلال نوری بک » ایچون یازه جق هر هانکی بر مدحیه نامه یی ایکسندن بریسی ویا هر ایکسی بردن امضالامایه دائماً آماده بولونا جقلدر .